

題張知丞儵然軒

不著人間一點塵儵然一室貯幽人  
清宵甕下酒中聖白晝筆頭詩  
泣神芳草惜鋤憐綠淨落花慵掃  
愛紅勻碁聲隔斷華胥路自把博  
山燒暮春

和葉宰韻題震無咎齋

蝸角蠅頭既可增如何又問利和名  
學他太古先天妙合取中庸一點  
誠乾坤所謂日月祖坎離乃是天  
地精工夫學到震無咎隻字拔茅  
乘泰亨

立秋有懷陳上舍

沒巴沒鼻落一葉發顛發狂何處風  
九十日暑掃地去滿懷汗

道藏輯要

白真人集二

三

懷集二

珠尋已空卻煩察判潘孺子說與上  
舍陳交龍來宵無雨必好月一樽還  
要與君同

夢中得五十六字

醉醒曳杖訪松關正在黃昏杳靄間  
既去復來秋後暑似無邊有雨中山  
澗邊幾葉晚花落天際一鈎明月彎  
自覺餘煙埋屐齒行行印破辭痕斑

胡中隱菴中傷春

盡把天工付祝融東皇歸去太華宮  
稜稜山色聳蒼玉湛湛波光清碧  
銅楊柳入天鳩要雨海棠落地蝶嫌  
風好將杖履西園看萬紫千紅一夜  
空